

II - ARABAKO LURRALDE HISTORIKOAREN TOKI ADMINISTRAZIOA

ARRATZUA-UBARRUNDIAKO UDALA

Behin betiko onespena ematea eraikinen ikuskapen teknikoa (EIT) egiteko dirulaguntzak emateko oinarri arautzaileen aldaketari

Hasierako onespeneren iragarkia ALHAOren 131. zenbakian, 2020ko azaroaren 18koan, eman zen argitara, eta ez da aurkeztu alegaziorik aipatutako espedientearen kontra. Hortaz, osorik argitaratzen da, indarrean jar dadin.

ERAIKINEN IKUSKAPEN TEKNIKOA (EIT) EGITEKO DIRULAGUNTZAK EMATEKO OINARRI ARAUTZAILEAK

1. artikulua. Funtsak

Arratzua-Ubarrundiako Udalak egokia iritzi dio bere biztanleei laguntza emateari eraikinen ikuskapen teknikoari buruzko betebeharren kostuak ordaintzeko. Betebehar horiek eraikinen ikuskapen teknikoari buruzko uztailaren 24ko 117/2018 Dekretuan, zeinaren bidez Euskal Autonomia Erkidegoan Eraikinen Ikuskatze Teknikoa arautzen baita, eta haren ondorengo aldaketetan jasotzen dira.

Ondorioz, oinarri hauen helburua da laguntzen eskabidea egiteko baldintzak ezartzea eta, hala badagokio, eraikinen ikuskapen teknikoaren kostua ordaintzeko dirulaguntza ematea.

2. artikulua. Xedea eta helburua

Oinarri hauen xedea da udalerriko eraikinen ikuskapen teknikoari (EIT) buruzko txostenaren kostua zati batean ordaintzeko Arratzua-Ubarrundiako Udalak bere eskumenen barruan ematen dituen dirulaguntzen prozedura arautzea eta sustatzea.

3. artikulua. Araubide juridikoa

Deialdi honetan ematen diren dirulaguntzek, oinarri hauez gainera, ondoko arau hauetan xedatutakoari jarraituko diote:

2/2016 Legea, apirilaren 7koa, Euskadiko toki erakundeena

39/2015 Legea, urriaren 1koa, administrazio publikoen administrazio prozedura erkidearenarena.

38/2003 Lege Orokorra, azaroaren 17koa, Dirulaguntzena.

887/2006 Errege Dekretua, uztailaren 21ekoa, Dirulaguntzen Lege Orokorraren Erregelamendua onartzen duena.

Abenduaren 5eko 3/2018 Lege Organikoa, datu pertsonalak babestekoa eta eskubide digitalak bermatzekoa.

Arratzua-Ubarrundiako Udalaren dirulaguntzak arautzen dituen ordenantza orokorra.

Dirulaguntzak norgehiagokaz bestelako araubidean emango dira, deialdi ireki baten bidez, aurrekontuko kreditua agortu arte. Dirulaguntzak printzipio hauen arabera emango dira:

Publikotasuna, gardentasuna, objektibotasuna, berdintasuna eta bereizkeriarik eza.

Ezarritako helburuak betetzeko eraginkortasuna

Efizientzia baliabide publikoak esleitzean eta erabiltzean.

Dirulaguntza eskaera aurkezteak esan nahi du eskatzaileak ezagutzen eta onartu egiten dituela oinarri hauek, Arratzua-Ubarrundiako Udalaren dirulaguntzak arautzeko ordenantza orokorra eta azaroaren 17ko 38/2003 Legea, dirulaguntzen orokorra, eta baita horrelako dirulaguntzei aplikatu beharreko arau guztiak ere, bai zuzenekoak, bai subsidiarioak.

4. artikulua. Aurrekontuko zuzkidura

Arratzua-Ubarrundiako Udalak ekitaldi bakoitzean aurkeztutako eskaerei erantzuteko nahikoa den kopuru bat xedatuko du, dagokion aurrekontu partidaren kontura. Ezingo da dirulaguntzarik eman ondoriozko aurrekontu esleipenik egin gabe.

5. artikulua. Onuradunak

Oinarri hauetan jasotako dirulaguntzaren onuradunak honakoak izango dira: pertsona fisikoak edo erkidegoak, bizitegitarako erabilera duten eraikinen jabeak edo gozamedunak, eraikinek berrogeita hamar urtetik gora badituzte edo katalogazio edo babes motaren bat badute, eta eraikinen ikuskapen teknikoa egin ostean, dirulaguntzen eskaera egiten dutenak.

6. artikulua. Eskatzaileen betekizunak

Pertsona fisikoen kasuan: Arratzua-Ubarrundiako udalerrian errolatuta egon behar dute deialdia onesten den urtearen aurreko urtarrilaren 1etik, eta han errolatuta jarraitu beharko dute deialdia ebatzen den arte.

Pertsona juridikoen kasuan: Arratzua-Ubarrundiako udalerrian izan behar dute zerga egoitza, deialdia onesten den urtearen aurreko urtarrilaren 1etik, eta hala jarraitu beharko dute deialdia ebatzen den arte.

Arratzua-Ubarrundiako Udalarekiko zerga betebeharren ordainketa egunean edukitzea eta harekin inongo zorrik ez izatea dagokion deialdia behin betiko ebatzi arte.

7. artikulua. Diruz lagundu daitezkeen gastuak

EIT egiteak eragindakoak (deialdia egitean indarrean dagoen araudian ezartzen diren betekizunak bete beharko ditu ikuskapen horrek). Hala ere, lehenengo deialdian (2019an) laguntza eskatu ahal izango dute deialdia baino lehenago udalean EIT aurkeztu duten pertsona guztiek, baldin eta hura egitean aplikatzekoa den araudia betetzen badu.

8. artikulua. Eskaerak

Eskaerak I. eranskinetako eredu ofizialarekin bat etorriko dira, eta idazkera larri argi eta irakurgarri bete beharko dira.

Aurkezteko epea: deialdian agertzen den data.

Aurkezteko modua:

Aurrez aurre udal bulegoetan, 8:00etatik 14:00ak arteko ordutegian.

Telematikoki, Udalaren egoitza elektronikoen bidez: www.arratzua-ubarrundia.eus (gaituta baldin badago).

Dirulaguntza emateko eskabidearekin batera aurkeztu behar diren agiriak:

Normalizatutako dirulaguntza eskaera, behar bezala beteta, I. eranskinetako ereduaren arabera.

Eraikinen ikuskapen teknikoa egin duen enpresak emandako fakturaren kopia eta hori ordaindu izanaren ziurtagiria.

Eraikinen ikuskapen teknikoaren txostena udal bulegoetan entregatu behar da, berandue-
nez eskaera egiteko unean. Indarrean dagoen araudiaren arabera egina izan behar du txosten
horrek.

Eskaera aurkeztearekin, eskatzaileek hau onartzen dute:

Datuak Udaleko diru-bilketa zerbitzuekin gurutzatzea, jakiteko beren zor guztien ordainketan
egunean dauden.

9. artikulua. Eskaerak aztertzea eta ebaztea

Aurkeztutako agiriak osorik ez badaude, 10 eguneko epea emango zaio eskatzaileari horiek
denak osatzeko. Gainera, ohartaraziko zaio ezen, epe hori igarota aurkeztu ez baditu, eskaerari
uko egin diola ulertuko dela, betiere dagokion ebazpena eman ondoren.

Dirulaguntzak udalbatzak emango ditu, osoko bilkuran jorratu beharreko gaien informazio
batzordeak proposatuta.

10. artikulua. Dirulaguntzen zenbatekoa

Dirulaguntza egindako jardueraren aurrekontuaren ehuneko 50era artekoa izango da; familia
bakarreko etheen edo etxebizitza atxikien kasuan, gehienez ere 150 eurokoa, eta jabe erkide-
goen kasuan, gehienez ere, 200 eurokoa.

Gehienezko kopuru horien muga ez da aplikatuko baldin eta egin beharreko adjudikazioak
egin ondoren ez bada agortzen aurrekontu partida. Kasu horretan, geratzen den kopurua modu
proportzionalen banatuko da baldintza guztiak betetzen dituzten eskaeren artean, eta ez da
gaindituko egindako gastuaren ehuneko 90.

Aitzitik, esleitutako kreditua ez bada nahikoa aurkeztu diren eskaera guztiei erantzuteko,
dirulaguntzaren zenbatekoa proportzioan murriztuko da eskaera guztiei erantzun ahal izateko.

11. artikulua. Dirulaguntzen bateragarritasuna

Dirulaguntza hauek ematea bateragarria izango da entitate eskatzaileak helburu bererako
jasotzen duen beste edozeinekin. Hala ere, udal honek emandako dirulaguntzaren zenbatekoa,
emandako beste dirulaguntza batzuekin baturik, ezingo da inola ere handiagoa izan ikasketak
egiten dituen pertsonak egindako jardueraren kostua baino.

12. artikulua. Dirulaguntzak ordaintzea

Dirulaguntza epe bakarrean ordainduko da, ebazpena emandakoan eta aurrekontu ekitaldia
amaitu baino lehen.

13. artikulua. Dirulaguntzen kontrola eta justifikazioa

Azaroaren 17ko 38/2003 Legeak (Dirulaguntzen Lege Orokorra) 30. artikuluko 7. apartatuan
xedatutakoarekin bat etorriz, EIT egiteko dirulaguntzak emateko, ez da beste frogagirik
beharko fakturaren aurkezpena baino, eskabidearekin batera, eta hura lortzeko betekizunak
betetzea.

2. Hala ere, pertsona onuradunak udalari jakinarazi beharko dizkio kontzeptu honetarako
eskuratzen dituen beste laguntza edo dirulaguntzak, horiek jasotzen diren unean.

3. Laguntzen jasotzaileei aplikatu beharreko itzulketak, zehapenak eta erantzukizunak
arautzen dituen araubidea azaroaren 17ko 38/2003 Legeak, dirulaguntzen orokorrak, eta
Arratzua-Ubarrundiako Udalaren dirulaguntzak arautzen dituen ordenantzak ezartzen dutena
izango da.

14. artikulua. Arau-hausteen eta zehapenen araubidea

Arau hauste eta zehapen administratiboei dagokienez, azaroaren 17ko 38/2003 Legeak
(Dirulaguntzen Lege Orokorra) 52. artikuluetan eta hurrengoetan xedatutakoari eta udalak

onetsitako dirulaguntzen eta laguntzen emakida arautzeko ordenantzak 14. artikuluan ezarritakoari jarraituko zaie. Halaber, ordenantza horren 15. artikuluan agintzen denaren arabera zehatuko dira.

15. artikulua. Legeria osagarria

Oinarri hauetan aurreikusita ez dauden alderdietan, udalak onartutako dirulaguntzen eta laguntzen kontsezioa arautzeko ordenantzan xedatutakoari, Dirulaguntzen Lege Orokorriari eta hori garatzen duen araudiari jarraituko zaie.

Guztiak jakinaren gainean egon daitezen argitaratzen da.

Dura, 2020ko abenduaren 18a

Alkatea

M^a BLANCA ANTÉPARA URIBE


ERAIKINEN IKUSKAPEN TEKNIKOA (E.I.T.) EGITEKO DIRULAGUNTZA-ESKAERA

IZENA ETA ABIZENAK EDO SOZIJATEAREN IZENA		NAN-AIZ-IFK	
ORDEZKARIA (IZENA ETA ABIZENAK)		NAN-AIZ-IFK	
KOMUNIKAZIOA-JAKINARAZPENA EGITEKO DATUAK			
Kalea	Zk	Solairua	Herria
Posta-Kodea	Udalerria	Lurraldea	
Posta elektronikoa	Telefono zk.	Mugikorraren zk.	

Nori egin jakinarazpena

 Interesatua Ordezkarria

Nola egin jakinarazpena

 Posta Elektronikoki**AZALTZEN DU:**

- Arratzua-Ubarrundiako Udalak onartutako Eraikinen Ikuskapen Teknikoa (EIT) egiteko diru-laguntzen deialdiaren berri izan duela.
- Pertsona fisikoan kasuan, deialdia onartzen den urtearen aurreko urteko urtarrilaren 1etik Arratzua-Ubarrundiako Biztanleen Udal Erroldan inskribatuta dagoela, eta oraindik ere hala dagoela ebazpenaren datan.
- Pertsona juridikoen kasuan, deialdia aipatzen den urtearen aurreko urteko urtarrilaren 1etik aurrera du helbide fiskala udalerrian, eta oraindik ere hala du ebazpenaren datan.
- Udalarekiko zerga-betebeharrak egunean dituela, eta ez duela bestelako zorrik Udalarekin, harik eta deialdiaren behin betiko ebazpena eman arte.
- Eta adierazten du:
 - helburu bererako beste dirulaguntza bat/batzuk eskatu di(zki)ola ondorengo erakundeari:..... eta, eskatu ondoren:
 -eko dirulaguntza jaso duela
 - ez duela dirulaguntzarik jaso.
 - Ez duela helburu bererako beste dirulaguntzarik eskatu.

ESKATZEN DU:

Bere eskaera kontuan hartzea, deialdia ebazterako orduan, eta, hala badagokio, dirulaguntza ematea.

AURKEZTUTAKO DOKUMENTAZIOA:

- Eraikinen Ikuskapen Teknikoa (EIT) egin duen enpresak egindako fakturaren kopia, bai eta faktura ordaindu izanaren egiaztagiria ere.
- Eskaera egiten den unean, eraikinen ikuskapen teknikoaren txostena udal-bulegoetan entregatu izana edo entregatzea, une horretan indarrean dagoen araudiaren arabera.
- Diru-sarrera egin nahi den kontuaren erakundea eta IBAN, titularra adieraziz, baldin eta diru-laguntzaren onuraduna ez bada.

DATA ETA SINADURA:

	DATUEN BABESA
<i>Arduraduna</i>	Arratzua-Ubarrundiako Udala
<i>Helburua</i>	Hainbat jarduerara sustatzeko dirulaguntzak ematea
<i>Legitimazioa</i>	Datuen tratamendua lege-betebeharrek eta/edo interesdunen baimenak legitimatzen dute.
<i>Hartzaileak</i>	Jasotako datuak Dirulaguntzen Datu Base Nazionalari lagako zaizkio. Ez da bestelako lagapenik egongo, legeak hala agintzen ez badu.
<i>Eskubideak</i>	Interesdunak bere eskubideak gauzatu ahal izango ditu Arratzua-Ubarrundiako Udalarekin (Uribea kalea 12, 01520 Durana) harremanetan, arduradun gisa. Datuen kontserbazio-modua legeak agindutakoa izango da, datuen helburuaren arabera. Datuak ez dira erabiliko erabaki automatizatuak lantzeko.

Arratzua-Ubarrundia Udala / Ayuntamiento de Arratzua-Ubarrundia - Uribea Kalea, 12 01520 – Durana (Araba)